



Lindås kommune  
Felles postmottak Kvernhusmyrane 20  
5914 ISDALSTØ

Dato: 13.03.2018  
Vår ref.: 2018/7648-2  
Saksbehandlar: sigwols  
Dykkar ref.:

Att. Eilin Houlison Molvik

## **Varsel om synfaring og etterspurnad av tilleggskommunikasjon - Hopsdal – gnr. 192 bnr. 5 - dispensasjon - bruksendring, riving, veg, utsleppsløyve m.m. - Lindås kommune**

Vi viser til dykkar brev av 14.02.2018 med søknad om godkjenning i ovanfor nemnde sak. Hordaland fylkeskommune har vurdert saka som regional sektorstyresmakt innan kulturminnevern.

### **Utviding av veg**

Vi tolkar innsendte situasjonsplan slik at utviding av veg skal ligge i den gamle vegtraseen.

Ut i frå våre arkiv er det ikkje kjend automatisk freda kulturminne eller andre verneverdige kulturminne knytt til den planlagde utvidinga av eksisterande veg, men det er registrert fleire arkeologiske enkeltfunn i området. I tillegg ligg det fleire SEFRAK-registrerte bygg i nærleiken av traseen. For å vurdere om det er naudsynt med ei eventuell arkeologisk undersøking jf. kulturminneloven § 9, vil Hordaland fylkeskommune foreta ei synfaring så raskt som råd. Etter synfaring vil vi gje endeleg fråsegn i saka.

### **Søknad om riving av del av låve, tilbygg**

Teikningsmaterialet som er lagt ved saka er til dels uklårt, mangelfullt og ikkje fagmessig utført. For at vi skal kunne vurdere saka, treng vi betre dokumentasjon.

I bygge- og rivesaker treng vi følgjande opplysningar:

- Planstatus og vernestatus
- Namn på eventuell reguleringsplan som bygningen ligg innafor, samt avgjerse og plankart
- Om tiltaket er ei dispensasjonssak iht pbl § 19
- SEFRAK-nummer (finnast i GAB)
- Tydelege kart med stadnamn, gatenamn, gardsnamn, gards- og bruksnummer
- Plan- og fasadeteikningar av eksisterande og ny situasjon
- Bilete av bygningen og nære omgjevnader
- Byggeår, byggemåte, materialbruk, teknisk tilstand og eventuelle skader
- Utgreiing av tiltak
- Førebels vurdering frå kommunen
- Namn på tiltakshavar og sakshandsamar i kommunen.

For meir informasjon, sjå nettstaden til Hordaland fylkeskommune:

<https://www.hordaland.no/nn-NO/kultur/kulturminnevern-og-museum/kulturminnesaker-som-skal-sendast-til-fylkeskommunen/>

Før vi kjem med fråsegn må saka opplysast betre.

David J. Aasen Sandved  
kst. fylkeskonservator

Sigrun Wølsted  
spesialrådgjevar

*Brevet er godkjent elektronisk og har derfor inga underskrift.*